

中國科學院圖書館整理

續修四庫全書總目提要（稿本）

齊魯書社

萬曆汴陽志十八卷 黃岡萬氏藏舊鈔本

明郭倫修費尚伊纂脩陝西渭南人舉人官汴陽知州尚伊字國聘州人進士累陝西按察使僉事州志自嘉靖十年童承叙纂修後萬曆十一年知州史自上延州人陳文燭續修童承叙志一時爭傳為名著文燭係其鄉後起景行先哲自不能贊一辭屢屢於河防食貨良牧名賢益以五十年間事至萬曆四十六年郭倫復延尚伊續修有童庶子之聞其先陳廷尉之繼其後此後執筆者遵守典刑而已未敢有所

續修四庫全書

卷部

更張也故其為書依據童志體例一如陳志第廢續其所未備者而於童之原書不稍移易其所增者皆列原書每類之後住者儀徵阮文達曹吉修志者如前有名志主仍舊纂後之人依類續之不損其本來而益其未有嘉道以後多本此惜如陳費兩志蓋已先為之準則矣近汴陽盧氏重刊童志即據是本將陳費二人之所續者刪去而在所續以前者定為童志原書並未見天一閣舊藏也

康熙汴陽州志二十卷 北平圖書館藏鈔本

清佟成年王浩冲楊士元修王爾楫等撰成年字君榮遼東撫順人貢生浩冲字文選直隸長垣人廩生士元字潤菴江蘇江甯人進士先後官汴陽知州爾楫字小築湖北安陸人舉人官汴陽學正邑志自嘉靖十年曾儲修後萬曆十一年知州史自上四十六年知州郭倫一再修之崇禎十五年知州章驥又續修焉見光緒舊序今皆無傳本順治十五年成年淮任屬爾楫邑志來成去任浩冲繼之亦未成書至康熙

續修四庫全書

卷部

熙二十一年士元繼任是書告成為卷二十此本卷一殘缺卷二郡縣表卷三封爵表卷四秋官表卷五人物表卷六至卷九又缺卷十儒學卷十一兵戎卷十二秋官列傳卷十三人物列傳卷十四良牧傳卷十五名賢傳隱逸傳孝義傳卷十六尚義列傳卷十七至卷十九藝文卷二十雜記是書分類一遵曾志刪除偽寓傳外傳增加藝文雜記康熙距萬曆百有餘年其事實有與前志同者有與前志異者山川古蹟形勝物產今昔無殊至於陵谷遷而提封河防異

水旱仍而創設食貨異汰除冗員裁革舊弁而官制
與兵戎又異是書通鑑往來博采近聞其可刪者刪
之其宜增者增之雖述曾志可謂知所本矣

續修四庫全書

卷

部

乾隆河陽州志三十卷 川平圖書館藏本

清為殿範修方弘履撰殿範字大川河南沁水縣元
官河陽知州弘履字坦人州人歲貢官先化訓導是
書成於乾隆四年為卷三十卷一卷一卷二卷三卷四
卷四曰戶口風俗附馬卷五曰土地物產附馬卷六
卷七賦役卷八卷九說部卷十河衛卷十一學校卷
十二曰祀典卷十三曰災祥卷十四卷十五曰秩官
卷十六選舉卷十七曰良牧卷十八參佐卷十九曰
武功文苑卷二十曰行業卷二十一至卷二十四缺

續修四庫全書

卷

部

卷二十五曰封爵貶封紀善卷二十六祠廟卷二十
七卷二十八缺卷二十九曰藝文卷三十曰雜記外
傳是志修於康熙修志之後去嘉靖曾志為時已遠
故多變更其例河衛為前志所無明初設屯田一千
八十頃置衛所驅屯丁以運民糧其始甚善迨後弊
生而屯制大壞屯兵至苦故立河衛一門詳陳既往
外傳僅錄陳友諒傳後附弘履敘言紀善一門收入
生存自古及今未之有也弘履調停同時士紳故寬
其例未免貽誚於識者已祀典志後繼以災祥而祠

廟又在紀善之後編次秩序不若曾志之有條不紊也

光緒汴陽州志十二卷 北平圖書館藏本

清葛振元修楊鉅等撰振元字義乾安徽懷甯人進士官汴陽知州鉅字子青湖北應山人舉人官汴陽訓導州志自乾隆四年高殿龍修後歷百餘年光緒元年省徽各府州縣續修汴陽州志自元年至二十年代更十二人問及志書者甚鮮惟陸佑勛在任五年重為修輯付梓十僅得四以事去任繼立者展轉廢置迄未刊行二十年振元蒞任始促成之前志三十卷是志減為十二每卷一綱曰天文曰地輿曰建

置曰食貨曰學校曰武備曰秩官曰選舉曰人物曰列女曰藝文曰雜類子目九十有二所列條目變更前志而大體具備汴陽澤國也南臨大江北枕襄陽漢水自襄郢而不當汴之西江水自潁歸而不當汴之而他邑僅防一面而汴獨受二水之衝自古至今時遭水患是志於慮患之人禦水之法無不廣而搜羅如嘉靖三年州令儲洵所上利病書通篇採錄以為後人之鑒人物類前志有以生存入志者大為世所詬病是志嚴行拒絕幸由史例其才識較勝於前

志至列女類有割肝割股之目藝文類有雜論書考
之目繁雜之請亦難乎免矣

康熙黃州府志九卷 北平圖書館藏本

清蘇良嗣修吳祿詒撰良嗣遼陽州人蔭生官黃州
知府祿詒字克生郡人進士官常州府同知黃州在
荆陽豫三州之域周為弦子國見晉書地理志或以
為黃國者非也隋開皇三年始改今名唐宋以前新
黃分治明洪武七年降新州為州以屬黃州而新黃
始合黃安古無是邑嘉靖四十三年割黃岡麻城黃
陂三縣之地而建置之亦屬黃州今府乃領一州
八縣府志明弘治十三年郡守盧希哲修萬曆三年

郡守潘允哲修見千頃堂書目百餘年未更經補輯
良嗣奉檄重修搜求舊志參以採訪於康熙二十四
年成書舊志分綱為七曰地理曰建置曰田賦曰職
官曰選舉曰人物曰雜志是志增益二綱曰天文曰
藝文易雜志曰碑函共為九卷以九為陽數也府志
廢缺百有餘年經明末兵燹之後典籍散轍老成凋
謝地理田賦二志凡山川之險易風土之淳澆田賦
之登耗無從考證各縣志亦未足以徵信僅錄舊
志無所損益職官選舉人物三志惟取明哲學道高

世泰三楚文獻錄為依據然世泰吳人也以吳人而
記楚事未免傳聞異辭故所錄姓氏其遺漏與錯者
不知凡幾舊志無學校一門是志未曾增加殆因陋
就簡而成者也

乾隆黃州府志二十卷 北平圖書館藏本

清王初修靖道撰初字恕堂陝西鄜縣人選拔教
習官黃州知府道撰字果園郡人進士翰林院庶吉
士官雲南姚州知州郡志自康熙二十四年守蘇
良嗣繼焉歷志重修迄今六十餘年政治風俗多所
變易初延道撰等補輯書成於乾隆十四年蘇志九
卷是志廣為二十卷為綱者十曰地理曰建置曰賦
役曰學校曰職官曰選舉曰人物曰藝文曰雜志曰
外志蘇志卷一曰天文是編刪之裨函仍易為雜志

更增外志一門他志山川橋梁每併附疆域志是編
以山川為天地自然之位置附於地理橋梁為後人
所創設附於建置他志所載物產有通產專產之分
每載專產通產則略而不錄是編以通產為郡縣所
本有未能割棄遂條增入人物志文苑官績等類依
次補收而於忠臣義士烈士貞婦採訪尤詳所屬各
縣次第而分別焉藝文志古文詩賦體裁不一蘇志
各分州縣載之頭緒殊覺紛繁是編分別各縣合八
屬而並載之仍以年代為次學校志所以培養人心

教勵士習人才之盛衰一邑之政治繫焉萬歷志缺如蘇志因之此編增列於卷四可謂知所先後已

光緒黃州府志四十卷 北平圖書館藏本

清吳啟修劉輝鄧琛等撰啟字續村漢軍鑲白旗進士官黃州知府輝字悔復郡人進士官湖南衡州府知府琛字獻之黃岡人舉人官刑部評中黃州乾隆王志大簡事核述出康熙蘇志之上是志依據王志琛時與修通志往來鄂省志館得見楚中與記如廖道南楚記房元度楚風補宋日濬黃州文獻錄等書凡有關於黃州者摘要鈔錄并徵各屬志來與同館諸人商榷採擇光緒十年郡志告成為卷四十卷一

至卷三曰疆域卷四至卷七曰建置卷八曰賦役卷九曰學校卷十曰武備卷十一至卷十三曰職官卷十四至卷十八曰選舉卷十九至卷三十一曰人物卷三十二至卷三十九曰藝文卷四十曰雜志綱目五十有八自疆域至武備鈔錄王志無甚異同職職官選舉人物依類增加至藝文則變更前例因考前史漢書藝文志本別向七略分其編目隋書則曰七志唐史以甲乙丙丁為次分經史子集是志遵其制廣為搜采前志所載詩文用范成大吳郡志例分

注各條之後無類可歸者則於集部後附存之宋朱長文續吳郡記元徐碩嘉禾志皆具碑碣一門為金石入地志之始此則擇其與雅者著於篇雅志所錄具有見解王志勝於蘇志是志則更詳於王志已

宣統黃州府志拾遺六卷 北平圖書館藏本

清沈欽聖撰欽聖字卓梧黃岡人舉人風好藏書精於考證嘗著三國地理志補黃州府志證誤瀏覽古籍凡有關於黃州考之舊志未經采入者輒自筆記宣統二年成書六卷為綱者十一仍志例曰疆域志建置志賦役志學校志武備志職官志選舉志人物志藝文志雜志疆域志中沿革星野山川形勝無所增益古蹟類黃岡採錄十一麻城七新水三蘄州二羅田一建置志中郡縣鄉鎮或據元豐九域志成據

元和郡縣志採錄二十四賦役志中戶口蠲恤二類採錄十五學校志中採錄黃州貢院記等篇三職官志中文秩官表採列自晉至明五百餘人有傳者八十人選舉志中科目貢表採列二十餘人文苑至烈士等類採列二十餘人藝文志中子部採入宋吳遵路撰樂或要畧明黃之瑞撰草廬經畧二書集部採入自唐至宋文二十五篇宋黃庭堅書札居多詩百有餘首雜志中採錄祥異仙釋僅有數事揀閱類採錄較多然亦有已見於前志者黃州府志自光緒十年

郡守英啟修復間二十餘年未嘗補輯是書搜集散佚補前志之所未備後之續修郡志者亦足以資採擇也

萬歷黃岡縣志十卷 小字 國書館藏本

明茅瑞徵修呂元音王同軌等撰瑞徵字五之浙江歸安縣人進士官黃岡知縣元音字節之邑人舉人同軌字行甫邑人貢生官南太僕寺主簿黃岡治即古之郢城距今治西北百二十里列辟代興名稱互異為郡為西陽為齊安為木蘭或郡或縣分轄麻定隋開皇初定名黃岡後世因之宋時徙治江漢明洪武元年割附黃州府為所隸八縣一州之首縣嘉靖四十三年割黃岡麻城黃陂之交增置黃安縣黃岡

為荆蜀門戶扼東長江上游昔蜀漢拒魏必仰好江來以藉長江之險蓋地利使然也萬歷中葉黃岡入版籍已二百餘年邑志缺如元音等博稽文獻編輯邑志採取通志及郡志者十之三搜掇於蠹簡斷碣者十之七萬歷三十六年是志告成為卷者十卷一曰輿地卷二曰建置卷三曰田賦卷四曰官師卷五曰選舉卷六曰人物卷七至卷九曰藝文卷十曰雜誌卷首無凡例卷末有瑞徵後序選舉人物兩卷缺與地志於疆域古蹟山川形勢建置志於公署閭津

採錄精確。四賦志詳述祖職後役增減沿革之故。以及閭閻疾苦。民俗儉奢。徇詆欺。使讀者得張弛損益之意。於言外。藝文志取各家專集錄其關於一邑之典章文物。序記居多。詩賦甚少。是志雖屬創修。其參酌棄取之間。可謂繁而不蕪。簡而不畧也。

康熙黃岡縣志六卷 北平圖書館藏鈔本

清聖元俊修。孫錫蕃撰。元俊字渭岸。陝西華陰縣人。進士官黃岡知縣。錫蕃字斐臣。邑人貢士。官山東需化知縣。邑志自萬歷三十六年邑令茅瑞徵修。一時稱為善本。至康熙時。閱六十餘年。邑令廖易其間。政治風俗時異而歲不同。而邑志未經續修。元俊延錫蕃等重為編輯。書成於康熙十二年。為卷者六。僅有鈔本。首卷已缺。卷二曰職官。曰公署。曰倉廩。曰學校。曰科貢。曰武勳。曰秋祀。曰陵墓。曰古蹟。曰寺觀。卷三曰名宦。曰人物。卷四至卷六曰藝文。曰雜聞。曰雜志。茅志網羅日張。次第井然。此編變更其例。而綱目不分。卷末邑人胡思璣後跋云。呈野形勢。為錫蕃志力獨裁。則卷一所編。自為輿地。公署學校二志。沿鈔舊志。名宦人物二志。補入甚少。六十餘年。增加人數。必不止此。殆採訪未周。致多遺漏。黃岡自昔為人文薈萃之區。先達名儒著作之流傳。關於邑中政治及形勝者甚多。茅志錄多至三卷。是編增錄近人之作。徒實詞句之工。不求其物之實。掩開雜誌。求坡遺事。

居其大半其餘採訪所得無甚重要元俊自序頗涉
誇張考其體制不如茅志逮矣

乾隆黃岡縣二十卷卷首一卷 故宮圖書館藏本

清王正常修正字方山四川瀘州人官黃岡知縣
邑志於康熙十二年修自邑令董元俊力從簡畧成
書六卷逮遜明萬歷茅志乾隆二十四年邑令劉煜
蔡紹清重修見是志舊志姓氏今無傳本正字依據
茅志重加補輯成書於乾隆五十四年為卷二十較
茅志增加十卷卷一曰地理卷二曰建置卷三曰賦
役卷四曰學校卷五曰職官卷六卷七曰選舉卷八
至卷十三曰人物卷十四至卷十八曰藝文卷十九

曰雜志卷二十曰外志地理建置二志沿革星野山
川物產以及公署津梁今不異昔無可增加一遵茅
志學校志興學之法造士之方具載於茲所闕於一
邑者實為重要茅志以學校附於建置此編特一門
而以廟學祭典學田書院等類附焉康熙距今百三
十餘年其間人才輩出績學砥行代不乏人茅志人
物志一卷此編增為四卷其採訪不可謂不廣矣藝
文志前列詩賦仍錄茅志其所增益皆有關於邑治
若乃侈山麓之壯麗月露之紛紜則詞賦家騁妍袖

祕之技非所語於治道者在所不取是志倣模茅志
體例謹嚴遂出董志之上而劉志惜未之見也

道光黃岡縣志二十四卷卷首一卷

北平圖書館藏本

清俞昌烈修王相心謝英等撰昌烈字鴻甫順天宛
平人監生官黃岡知縣相心字子壽監利人進士官
刑部主事英榜名道璣字惕夫邑人舉人官泗州知
州邑志於乾隆二十四年邑令王正寧補修至道光
十一年邑令李錦源延平湖陸炯江夏王德新重加
修輯一邑事實錄訪匪易未竣中止昌烈准任延相
心等搜其踐稿得之朱茂才彥濂家仍以王志為根
據自道光二十八年四月開局五月間月而歲事成書

二十四卷為綱者十為目六十有五卷首凡例輿圖
卷一地理卷二建置卷三賦役卷四學校卷五秩官
卷六卷七選舉卷八至卷十四人物卷十五至卷二
十二藝文卷二十三雜志卷二十四外志各類遵守
王志略有變更於是覽疆域之廣狹則問問之疾苦
易知審土田之肥磽則農桑之勸課宜勤校戶口之
盈縮則生聚自不容緩綜賦稅之升降則苛擾在所
必除視川渠堤堰之修廢則吏治之勤惰自分考俗
好尚之淳漓則導化之得失自見十志綱目分清增

新補舊後之覽者不必周歷四境但按籍以求而一邑之達通利病顯露畢呈是編洵足以繼吳王志也

先補黃岡縣志二十四卷卷首一卷

北平圖書館藏本

清戴昌言修劉恭冕撰昌言字為卿安徽合肥人舉人官黃岡知縣恭冕字叔儔邑人舉人主講經心書院是書成於光緒七年為卷二十有四為綱者八為目四十有二卷一卷二地理志卷三建置志卷四賦役志卷五學校志卷六職官志卷七至卷九選舉志卷十至卷十九人物志卷二十至二十四藝文志雜志附後邑志以茅志為最善本乾隆王志道光俞志均同之是編以俞志最近取為底稿重加採訪參酌

補輯俞志舊分十綱今減其二以基礎修附地理以義塚移附蠲恤後少有所異志以圖經為重今仍以新舊各圖冠諸卷首沿革無所更改全遵舊志星野後添載日出入時刻表各刻高孤表遵一統志推定山川古蹟建置學校各附藝文條沿革海武功縣志之例戶口田賦多仍舊志惟胡文忠新定增率特為加入續貯內軍儲倉豐備倉社倉之新建者亦詳載之水師分防長江營制定於同治八年卷首增繪長江圖而列其秩於武秩之次同邑為黃郡首縣名

臣者儒代有其人武備素未講求乃咸同之間兵燹頻經閭閻士民乃能結團築壘激勵同仇十餘年不少挫烈士殉難前後計數千人貞士烈婦遺志捐軀又各以千百計是編廣為搜羅依類補列故人物志增至十卷細閱全書其體制同大介志而損益之間殊具有卓識也

順治黃梅縣志九卷 北平圖書館藏本

清徐昱修蕭蘊樞撰呈直隸永平人拔貢官黃梅知縣蘊樞存感人官學諭湖北通志漢置尋陽縣即今黃梅治屬廬江郡隋開皇十八年改新蔡縣曰黃梅屬新州明初改新州為府洪武九年復降為州以州並所領縣統屬黃州府明以前志未失考今項望書目載為歷十一年推官曹維倫修今無傳本清順治十五年呈知縣事十七年蘊樞修輯告成為卷者九為綱者五曰與地志曰政務志曰人物志曰仙釋志

曰藝文志與地志子目九自與國至風土分類前當敘事詳明政務志子目三十一近於繁雜如公署地池湖溢津梁類應歸建置是編以建置附於輿地而以公署等類附於政務殊不合乎志例人物志子目二十一附以牌坊碑祠陵墓亦覺不類仙釋志子目三二氏之教為儒者所弗言後世愚頑之人崇信巫祝悖於禍福之說為政刑之所不及志書附錄錄之附於雜志以備覽世牖民之助是編敘事以傳附以考觀古蹟則為邑志中所創見藝文志子目十所載

碑記無多前志序跋列於詩賦之前編次亦無秩序
是編因前志疏缺無從則效故分門別類於志書義
例未能盡合也

乾隆黃梅縣志十二卷 故宮圖書館藏本

清薛東時修沈元寅周茂健薛善時等撰東時河南
原武人舉人官黃梅知縣元寅浙江歸安人原武茂
健邑人舉人善時原武人舉人是書成於乾隆二十
一年為卷十二卷首纂修姓氏修志姓氏目錄無凡
例卷一沿革表秩官表選舉表卷二星野志疆域志
山川志城池志公署志城鎮志郵傳志營汛志卷三
津梁志賦役志卷四學校志卷五禮樂志水利志卷
六物產志風土志名蹟志卷七藝文志卷八祠祀志

陵墓志寺觀志祥異志疆閭志卷九名官列傳官績
列傳卷十儒林列傳忠烈列傳孝友列傳隱逸列傳
文苑列傳卷十一義行列傳恤違列傳耆壽列傳僑
寓列傳卷十二列女列傳仙釋列傳邑老自順治十
七年邑令徐昱修僅立五志而子目紛繁編次失序
是編變更其體分表志傳為三綱夫既謂之縣志則
表傳當統於志三綱並立亦不合於志例未列建置
一門殊覺簡畧秩官列於山川城池之前賦役學校
列於選舉之後前後輕重秩序茫然列傳既有隱逸

人有信述二者無甚區別各郡邑志未見有此名目
是編以徐志為非而更改之所立三綱亦難免見識
於識者甚矣修志之難也

光緒黃梅縣志四十卷卷首一卷 故宮圖書館藏本

清軍瀚元表瓚修完名昌等撰瀚元字石仙廣西藤
縣人生員官黃梅知縣瓚字康叔江蘇奉賢人板貢
繼瀚元任名昌邑人生員邑志前令徐昱修於順治
十七年解來時修於乾隆五十四年均未完善瀚元
任黃梅先後歷十餘載延名昌等補修志乘咸同間
戎馬蹂躪簡編灰燼城池得而復失者數次十餘年
未克成書至光緒七年瀚元去職瓚繼知縣事甫半
年而成之為卷四十為綱者十為目三十有八綱舉
目張有條不紊曰地理志曰建置志曰職役志曰學
校志曰武備志曰秩官志曰選舉志曰人物志曰藝
文志曰雜志地理建置二志今古無殊無庸增損賦
役志梅邑常被水災賦額月時核減今將徵收原額
開載於前其核減之數則分載於文解各項之下漕
糧改折新章又附載核減之下舊額新除按籍瞭然
舊志郵傳營汛附於公署村鎮之後而不及兵事特
列武備一門具載城守塘汛以及驛馬鋪兵近時兵
事之在梅境者並採錄之蓋以粵捻竄擾軍興累年